



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apodixes, Sive Demonstrationes Tres Horrendarvm Blasphemiarvm Ecclesiae A Calvino Reformatae, Circa tres primos Symboli Catholici Articulos

Bosendorf, Hermann

Monasterii VWestphaliae, 1608

Capvt V. Mariam Caluinisticam Euæ instar cum dolore peperisse.

urn:nbn:de:hbz:466:1-35415

naturam, virginis claustra nullo modo aperta sunt, quantum vero ad potentiam geniti Domini, nihil ei clausum, omnia aperta. Ex his Ambrosium, Chrysostomum, Hieronymum, Origenem iure summo interpretamur, locis ab hæretico Prædicante aliorum detortis. Idem de cæteris, si qui sint, dicimus, vnum tantum excipio Tertullianum, cuius priuatum hoc præter alia apud Pamelium in Annotat. extitit paradoxum. *Sed si in ipsa vetustate* (ait Vincentius Lyrinensis lib. aduersus hæresum nouitates) *lapsus alicuius vel aliquorum Doctorum deprehendatur, Patrum aliorum eadem de re sententia conferantur, atque ex maiore illorum consensu proposita questio indicetur.*

CAPVT V.

Mariam Caluinisticam Eue instar cum dolore peperisse.

EAndem matrem Christi Caluiniani peperisse cum dolore aliarum more mulierum, probatur 1. Vteri diuulsio disruptioq; nõ est sine dolore. At in lætissima pueruli Iesu Natiuitate secundum dictos Caluinistas facta est, & quidem tum primum, virginei vteri disruptio. doluit igitur mater, dum cælum terraq; præ lætitia ob natum Deum exultant. 2. Probabile est (ait Calvinus ad cap. 2. Matth.) *Deum Mariæ (Caluinisticæ) peperisse, donec & puer-*

Maria Caluinistica dolet ex partu benè perio diu.

perio conualesceret, vt iter facere posset. Iter autem illud in Aegyptum primū accidit post Magorum digressionem. Tanto igitur tempore miseram matrem Christi Calvinistici indignisse ad recuperandas vires amissas, probabile est Caluino eiusque catulis. 3. Calviniana Maria lege communi peperit, vt ait Bucerus de omnipotentia Domini apud Feuarentium lib. 4. Theomach. cap. 2. lex vero ista communis est. Gen. 3. Multiplicabo ærumnas tuas, in dolore paries filios tuos. Nec ab hac lege potuit eam eximere, vel quod non concepisset ex viro cum peccato, vti cæteræ solent fœminæ, vel quod Deum simul & hominem pareret, quod nulli datur fœminæ, vel quod esset gratia plena, benedicta inter mulieres, & à peccato præseruata antequam nata, quod de nulla alia constat fœmina. Circa hæc occinit prædicans: *impudens sanè mendacium Iesuiticum, quod dicatur (à Iesuitis) Caluinus velle, à Maria conceptum in peccatis Christum Dominum.* Barbare, etiamne paucula verba Latina non intelligis? vbi? quibus verbis id ascribitur à Iesuitis Caluino? relege thesin & dic, impotentissimè ipsemet de Iesuitis mentitus sum.